

T.
6.

GALENVS

DE OSSIBVS,

2. v. Ferdinando Balamio

Siculo interprete.



PAVLO III.

PONT. MAXIMO.

Ferdinandus Balamius. S.



ULTA Hippocrates & Erasistratus de Anatome tradiderunt, quæ à Galeno deinde copiosius accuratiusq; tractata sunt. Is enim Romæ sub Antonini primum, mox sub Marci Aurelij Imperio, quæ ad exquisitam singulorum membrorum, ac minutarum quoque particularium dissectionem pertinent, diligentissime scripsit. Nihilq; quo interiorum sedes, figura, ordoq; ac magnitudo dignosci possit, prætermisit. Dissectis non hominum tantummodo, sed simiarum quoq; & eorum animantium corporibus, quæ aliquam nobiscum similitudinem habent. Namq; hæc ubi prudenti Medico explorata compertaq; sunt, aptius tutiusq; remedia imponantur, ac foelicius quoq; curationes cadunt. Extat huius de Anatome libri novem, decrat cum nonnullis alijs, de ossibus liber. Camq; superioribus mensibus Florentiæ in Medicea Bibliotheca plures de luxationibus, deq; alijs, quæ ad rem chirurgicam faci-

unt, reperirentur Autores, uno contenti codice, eòq; ue-
tustissimo, hunc negligenter scriptum, multisq; men-
dis, & temporum iniuria deprauatum, Clemens
VII. Pont. Maximus, Iano Lascari uiro Doctissi-
mo tradidit, qui ut iam pridem hunc librum è græ-
ciæ ruinis erutum seruauerat, sic summo cum studio
curâq; innumcris purgatum uitijs, in pristinam pro-
pè formam eum restituit. Inter eos Autores Gale-
nus de ossibus inerat, quem cum à plerisq; Clemens
desiderari animaduocaret, mihi præcepit, ut illum
ad studiosorum usum transferrem. Quod me pro
uiribus libentissime facturum recepi, tum ut illi cui
debendam obtemperarem, tum ut alijs Anatomes li-
bris, id quoq; quasi membrum ab ijs tandiu diuulsum
distrahetamq; coniungerem. simulq; ut hac lucubrati-
uncula tanquam prægustatione quadam, cæteri ad re-
liquum operis, quod pulcherrimum est, apprimèq; ne-
cessarium perficiendum inuidentur. dumq; ad iniuncti
mihi negotij metam properarem, Princeps ille ex-
cessit è uita. Quare tuæ nunc erit benignitatis, cum in
illius locum, ac potestatem successeris, laborẽ hũc
nostrum, qui tibi iure debetur non aspernari. In quo
magnam mihi spem affert singularis tua eximiaq;
doctrina, præcipuumq; græcarum latinarumq; littera

rum Studium, in quibus tantopere excellis, ut quic-
quid non fuerit graue & elegans, offendant tuarum
aurium iudicium peritissimum. Adde etiam quod in
hoc tui Pontificatus initio, ita præclaris quibusq; re-
bus, publicisq; omnibus commodis & ornamentis stu-
des, ut quæ ab optimo, omniumq; bonarum artium ac
virtutum amantiſſ. Principe speranda sunt, à
te cumulatissime expectari possint.

Vale.

GALENVS

DE OSSIBVS AD TYRONES

Ferdinando Balamio Siculo interprete.

X Ossibus singula per se qualia sint, tum quam inuicem structuram habeant, nota (ut arbitror) medico esse debent, si recte ea, quum uel franguntur, uel sua sede dimouentur, curaturus est. quo fit, ut in omnibus quæ ad medicinam pertinent, perspicuū sit, quod secundum naturam est, tanq̃ scopum habendum esse. Nam cui id ignotū est, minime intelliget, neq̃ ubi à sua natura læsa loca distrahuntur, neq̃ qua ratione ad id quod secundum naturam est adduci debeant, itemq̃ nec morborū notitiam assequi, nec rectam illorum curationē poterit. Sunt autem ossa ex animantis partibus durissima & aridissima, maximèq̃ terrestria. Hæc tanq̃ fundamenta quædam ad uniuersam corporis substantiam sustentandam subiiciuntur, in ijsque omnia adnascuntur, stabiliunturque. Ex ossibus, quædam grandia & ampliter concaua sunt, ac medullosa; quædam parua ac solida & sine medulla, nec caui quicquam, quod sensu dignosci queat, in se habent. Grandibus, magna ex parte in

extremo, aliorum ossium appendices adnascuntur, ut
 pote humero, superius, cubito, inferius, radio neco ac
 femori, itemq; tibiæ ac suræ, infra supraq;. Maxilla
 inferior medullosa est, & adnascens appendicis ex
 pers. sed ex eius extremis partibus, quæ infra est,
 per symphyisin, quasi coalitum dicas, unitur. Supra,
 in duos processus, in coranem uidelicet quæ in acutum
 tendit, ac ceruicem tantum, desinit. Apophysis quoq;
 quasi processus, ab Eptophysi, hoc est ab adnata ap-
 plicæ, differt. nam quæ Eptophysis est ubi os cum osse ad
 unionem cõit. Apophysis uero, totius ossis pars est.
 Fortasse autem oportet, de alijs quibus in hoc opere
 usus sumus nominibus differere, ne dum hæc narra-
 mus, uel obscuriora reddantur, nominibus sine declara-
 tione utentes, uel series continuata doctrinæ interrup-
 tatur, quicquid occurrerit explicare semper uolen-
 tes. Sed meo iudicio hinc quam optime initium sumen-
 dum est. Humani corporis ossium inuicem coherenti-
 um uniuersa compactio seculos appellatur. Iamq; nõ
 nulli qui de ossibus differuerunt libros suos ad hunc
 modum inscribere mepi σκελετου. Modus autẽ quo
 ossa componuntur, genere quidem duplex. Alia enĩ
 per articulum, Alia per symphyisin coniunguntur.
 Hæc utraq; species differentiasq; plures habent. Ar

DE OSSIBVS.

ticulus enim naturalis ossium compositio est. Ossium uero naturalis unio, symphysis appellatur. utriusque autem definitioni, dictio hæc NATURALIS indita est, quandoquidem luxata inter se cohærent, fractaque superinducto callo uniuntur, sed non per naturam. Ab Hippocrate, alterius ex cohærentibus ossibus extrema pars, articulus frequenter nuncupatur, ea scilicet quæ orbiculata est, ac in proximum cauum inscitur. Articuli autem, differentiarum duæ sunt, Diarthrosis uidelicet quæ dearticulatio, ac Synarthrosis, quæ coarticulatio dici potest, eæque inuicem pro motus quantitate discrimen recipiunt. Dicitur enim Diarthrosis ossium structura, quorum motus euidentis est. Synarthrosis, ossium quoque compositio est, quæ neque ualidum, neque manifestum, sed obscurum difficilemque habent motum. Quod autem nullum discrimen sit, siue ossium structuram, siue compositionem, siue cohærentiam dixeris, perspicuum est. Diarthroseos triplex est species, Enarthrosis uidelicet, Arthrodia, ac Ginglymos, sic enim a recentioribus medicis appellantur, priscis autem non fuisse admodum nota, uerum τὸ ἐνάρθρωσθα καὶ τὸ ἀρθρῶσθαι καὶ τὸ γιγγυμῶσθαι ὁ ἅλλοις συμβαλλειν. præter hæc etiam has uoces arthrodes ac ginglymoides

in illorum scriptisprehendimus. Quamobrem
 minime forsitan absurdum fuerit, si ad euidentio-
 rem doctrinam nomina consingamus, ea ipsa uide-
 licet à subiectis rebus deriuantes. Est ergo Enarthro-
 sis quum excipiens cauum altum admodum est, ca-
 putq; quod in id inscribitur oblongum. Arthrodia uero
 quæ cauum leniter & in superficie, & capitulum
 etiam depressum habet. Oblongum autem, & depres-
 sum capitulum dicimus, ad ceruicem id ipsum cui ad-
 nascitur referentes. Ccruices, tenues ossium sunt pro-
 cessus, earum extremum, quod crassius & orbicula-
 tum est, caput nominatur. Quum uero in mucronem
 processus desinit, non ceruix, sed corone seu coronon
 nuncupatur. Ex cauis capitula excipientibus, quod
 altius descendit cotyle, hoc est acetabulum (id enim
 nomen medici omnes usurpare sunt soliti) quod in
 superficie situm est, ab ocularis sinus similitudine,
 Glene à nonnullis appellatur. Tertia Diarthroscos
 species quam ginglymon uocant, ea est, qua ossa sese
 inuicem ingredientia coniunguntur, quemadmodum
 uertebrae inter se, ac humerus cubitusque alligantur.
 Quamq; in his quædam sit differentia. Nam in uerte-
 bris media in utramq; supra infraq; appositam subit,
 Humeri uero ac cubiti mutui ingressus est. Sy-

DE OSSIBVS.

naribroseos quoq; triplex est species. Sutura, Gomphosis, & Harmonia. Sutura compositio quædam est, ad consuturam rerum (ut pote quæ in capitis ossibus habetur) similitudinem. Hanc nonnulli dum explicare student, serratam compagem structuramq; alij in unguem commissuram esse definiunt, sed illi nobis, ut puto, patefaciunt, atq; in memoriam reuocant, quæ serræ inter se contrario occursum congregiuntur, ubi scilicet dentatæ alterius partes, in alterius sinus inferuntur: hi uero quæ in unguem committi dicuntur, quæ Gibbæ uidelicet partes ad unguis figuram structæ, in sinus quibus apte excipi possunt subeunt. Harmonia uero ossium structura est per simplicem lineam, sunt autem nonnulla Maxillæ superioris, & quædam etiam capitis ossa ad hunc modum inter se iuncta. Gomphosis est quum ad instar clauis ossi infixitur, uerum id iam quoquomodo ambigitur, propèq; ad symphysin accedit, quum scilicet quidpiam penitus infixum est, ut ne tantillum quidem ueluti dentes dimoueat. Quod autem dentes haudquaquam cum suis alaeolis adnascantur, quum uel eruantur, uel sua sponte decidunt planè patet. Sed quoniam species differentiasq; omnium quæ ad articulum pertinent declarauimus, de Symphysi deinceps dicendum est.

Hæc autem primo dupliciter differt. Namq̃ alia inter se inuicem ossa, Alia aliorum interuentu connascuntur. Quæ fungosiora molliorq̃ sunt mutuo inter se, sicciora uero densioraq̃ nonnullis intermedijs coalescunt. Huius autem coalitus quem postremo diximus tres sunt differentiæ, quæ priscis nominibus carent, ut qui recentioribus uti uolet, ea ab intermedijs, hoc est à cartilagine synchondrosin, à neruis synneurosia, à carne syssarcosin appellare poterit. Cum uero de neruorum nominibus mentio à nobis facta sit, iure quidem fiet, si de his quoq̃ distincte agemus. Tria itaq̃ (uti diximus) neruorum genera censentur, eaq̃ (nihil impedit) uel species uel differentias nominare. Ex neruis qui ex cerebro dorsiq̃ medulla oriuntur uoluntarij, qui ex ossibus (ut ita dixerim) ligamentales, qui tertio loco, ab his differunt atq̃ ex musculis originem ducunt, Tendones uocantur. Ne uero æquiuoca nomina obscuritatis aliquid afferant, Qui ex cerebro itemq̃ ex dorsu medulla ortum ducunt, uoluntarij nerui, qui ex musculis Tendones, qui ex ossibus ligamenta à nobis appellentur. His itaq̃ explicatis nominibus, iam tempus exigit, ut de singulis per se ossibus uerba faciamus, à caluaria scilicet (sic, n, os capitis uocant) incipientes.

DE OSSIBVS.

De Capitis ossibus. Cap. I.

Quod os capitis caluaria appelletur, quodq; in ea suturae quaedam sint, ante diximus, Sed quot qualesq; & quae cuiq; sit forma, cum non antea exposuerimus nunc explicabimus. Primumq; pro capitis figura suturarum numerus posituraq; uariatur. Naturalis capitis figura, ad oblongae Sphaerae potissimum similitudinem structa est. Alia uero eius (quod *pho.* uocant) deprauata est, & acuminato uertice. Quod secundum naturam habetur priorem ac posteriorem partem prominentiorem habet, in eaq; tres suturae sunt, ac duae quidem transversae, quarum altera in occipitio est, in sincipite altera, tertia à medio posterioris, per capitis longitudinem, ad mediam usq; anteriorem extenditur. Anteriorem coronalem uocant, quandoquidem coronae in ea potissimum capitis parte conlocantur. Posteriorem à littera Λ similitudine lambdo ide nominant. Harum suturarum figura H litterae praecipue similis est. Naturalis caluariae structura, suturas uti diximus habet. In ea uero quae fastigiato est uertice suturae ad hunc modum constitutae sunt. Vbi enim posterior eminentia perit, sutura lambdoïdes aboletur ubi Anterior non adsit, coronalis etiã sutura deperditur. sitq; utraq; remanentiū suturarū figura I littera similis.

GALENVS

Harum autem utraq; eminentia deperdita, geminae quae seruantur suturae, ad rectos se invicem angulos, interfecantes, & litterae similitudinem referunt.

Namq; altera quidem transversa per medium potissimum caput extenditur, altera à parte posteriore per longitudinem in priorem uti in cæteris caluarijs omnibus, tendit, namq; hæc semper servatur, reliquæ cum totius capitis figura uariantes intercidunt. Duæ quoq; ab hac æquidistantes lineæ per capitis longitudinē à posteriore in priorē parit̃ super aures feruntur. Hæ aut̃ sūt duobus inter se ossibus, coherrentibus nō per suturam quidem, sicuti ante diximus, sed paulatim sincipitis os instar squamæ descendens, attenuatur, atq; in id os, quod infra ab auribus ascendit, subintrat, proptereaq; eas nonnulli non suturas simpliciter, sed à squamæ similitudine lepidoides suturas uel conglutinationes appellarunt. à nobis autem euidentioris doctrinæ studio suturae iuxta aures eiusmodi, lepidoides nuncupentur. Quo fit ut quinque peculiares capitis suturae sint, lambdoides, coronalis, & quæ recta per longitudinem fertur. Duæ item ab hac æquidistantes, quæ in ossibus ad squamæ similitudinem structis habentur, Sunt et̃ duæ aliæ communes supe-

DE OSSIBVS.

riori Maxillæ: cuiq; etiā ossi quod à cunei similitudine
 sphencoidē uocant, quod à nōnullis inter capitis ab a-
 lijs inter maxillæ superioris ossa, (cū inter utrunq; sit
 mediū) numeratur, idq; cuius nā formæ, quātaq; sit
 magnitudinis, quemue potissimū locum obtineat, pro-
 pmodum recensebimus. Extrema labiodialis suturæ
 ab utroq; latere inferiora, ad basim usq; capitis proce-
 duntur, per mediūq; lapidosorū ossiū, & qua caput pri-
 mæ uertebrae adnectitur, deorsū feruntur, ibiq; exigua
 quadam linea transuersa iunguntur. Hanc ipsam pri-
 mum cum capite, & eo osse quod explicare propo-
 sui communem puta. sursum. n. utrinq; ad caua tem-
 porum tendit: quo etiā coronalis suturæ extrema per-
 ueniunt. Inde etiam rursus deorsum uersa, & ad po-
 stremos dentes delata, ad palatum usq; procedit, id qui-
 dem os intra se, antedicta uidelicet sutura undiq; ter-
 minatum, comprehendens, quod ueluti cuneus, inter
 capitis & maxillæ superioris ossa immittitur. Hu-
 ius itaq; suturæ quicquid sursum ad coronalis fines
 fertur, cum capitis osse commune est. Quod uero ex
 utroq; latere ad palatum tendit, superiorem maxillæ,
 ab osse ad cunei similitudinem structo (cui id nomen
 ut clarius intelligatur inditum est) discernit. Id os apo-
 physeis quasi explantata & proccidentia quædam

habet, quas ab alarum similitudine Pterygoidis uocant, et utrinque sunt concavae. Alia autem capitis sutura, quae ipsum à superiore maxilla diuidit, ex cauis temporum principium sumit, quae scilicet sutura illa communis capiti et ossi sphenoidi, cum sutura coronalis finibus in iunctura (uti diximus) conuenit. Inde ad oculorum sedes procedit: perque eos medios tendens, iuxta medium superciliorum sibi ipsi iungitur. Quae cum ita se habeat, Sex sunt, sphenoidi excepto: capitis totius ossa, Duo. scilicet Sincipitis quibus ea sutura communis est, quae recta per capitis longitudinem fertur. Duo uero infra: unum quodque inde licet ad suam auram. Post haec, Quintum os occipitis, sextum frontis existimatur. Sincipitis ossa in posteriore quidem ad lambdoidis suturae latera: et in anteriore, sutura coronali: in inferiore suturis squamae similibus: in superiore uero parte, ea quae per longitudinem recta procedit, sutura terminatur. Post haec deinceps quae utraque in aure sita sunt, in superiore, suturis squamae similibus, in posteriore laterum lambdoidis additamētis, in anteriore quidem parte, sutura quae capiti cum osse sphenoidi communis est discernuntur. Sunt autem sincipitis ossa quadrilatera: quae modo diximus trium laterum sunt. Quintum os capitis, occiput est idque lambdoidi sutura cum suis additamētis, atque ea etiam linea, quae haec ipsa (uti

DE OSSIBVS.

diximus) addita mēta iunguntur, terminatur. Id ipsum os, maximum omnium quæ sunt in capite foramen, iuxta primam vertebra[m] habet. Reliquum est os frontis quod coronali sutura, atq[ue] ea, quæ capiti cum maxilla superiore cōis est, distinguuntur. Horum autē sex quæ diximus, Sincipitis ossa rarissima et infirmissima: occipitium densissimum firmissimumq[ue], medium inter hæc ipsa, os frontis habetur. Reliqua utriq[ue] ad aures posita, multifariam se habent: Namq[ue] horum pars, quia petrae re uera speciem refert, lithoidea nominatur. id os, protensis lambdoidis suturae finibus terminatur. In eo stylodes (quia columna est similis) processus inest, quem nos ab acus styli uel scriptorij similitudine Belonoide seu Graphioide appellamus: in eodēq[ue] auditus meatus cōtinetur. Altera deinceps eius pars iuxta eas ecphysis quasi exortus dixeris habetur, quorū alter mamillaris dicitur, alter ossis iugalis est. Præter hæc tertia quoq[ue] pars à temporibus occupatur. De Capitis autē foraminibus in uasorum nervorumq[ue] disseetionibus quorum causa effecta sunt, sermo habendus est. Ex singulis enim seu Arteria, seu Vena, seu Nerus, seu ex his quædam, siue cuncta procedunt.

De osse Iugali. Cap. II.

Temporis musculo præpositū est os, quod trāsversam in medio suturam habet, eiusq; posterior pars omnis, cum capitis osse, quod iuxta aurem habetur: Anterior cum parte supercilij extrema, ad paruum oculi angulum continuatur, id os totum Zygoma à nostris iugale appellatur.

De ossibus maxillæ superioris. Cap. III.

De suturis quæ superiorem maxillam, à capite & Sphenoidæ osse discernunt, antea diximus. Nūc autem quæ in ea ipsa maxilla continentur, recensenda sunt. Sed satius fortasse est, explicare prius suturæ uocabulum, quo pacto à recentioribus omnibus anatomicis usurpatum sit. Illi .n. quæ per harmoniam committuntur, suturas quoq; appellare consueuerunt. Iurèq; id accidit: non enim caluarias similiter omnes deprehendes, in quibus suturæ omnes, serratis exacte compagibus structuræ sint, sed aliquando in ipsa ossium structura cernere est, alteri quidem caluariæ suturas inesse, alteri harmonias. à nobis autē cum ossa persæpe nonnulla eiusmodi frangerentur in

DE OSSIBVS.

Imo ita sese mutuo ingredientia inuenimus: ut illorum compositio suturæ potius similis esset, q̃ harmoniæ: ob idq̃ eas omnes suturas appellare nemini uerendum est. Prima autem sub osse iugali exoritur: cuius pars posterius tendens: sub eiusdem ossis concavo desinit: ibiq̃ cum communi sphenoidis ossis sutura committitur. Altera partim recte: partim oblique: sursum ad oculorum sedes procedens: per medium illorum ambitum inferiorem fertur. Mox ibi tripartito scinditur: Altera enim pars magnum prope angulum anteriore in parte ad medium superciliarum procedit. Quæ deinceps huic succedit: per concavum sub eodem angulo ad communem capitis suturam pertinet: eademq̃ angulum ipsum comprehendit: et illi quoq̃ naturale foramentum subiectum, quod omniumque sunt in eo loco foraminum, maximum est. Sub dictis duabus suturis, tertia pars antedictæ scissuræ, inferiorem in sede oculi ambitum ascendens, interius ad imum tendit: ibiq̃ communi capitis suturæ iungitur. Quo fit ut terna maxillæ superioris ossa, ab utraq̃ parte censeantur: quibus capiti ipsi committitur. Horum maximum habetur, quod iuxta iugale situm est: nam nonnihil temporis, supercilijq̃, & sedis oculorum, totumq̃ exigua

um angulum in se comprehendit, & ad eam usq; partem quæ malum appellatur, procedit. Deinceps sita ac magnitudine os illud in oculo ipso habetur, quod nervos ad superiorem maxillam tendentes continet. minimum omnium, iuxta magnum oculi angulum locatum est. Nonnulli autem Anatomici, qui tria hæc ossa, quæ ad oculorū radicem subeunt, unum esse tradunt: geminas quibus distinguuntur suturas, vel omnino non vident, vel tanq̃ exiguas dedita opera præmittunt. His omnibus quæ tria esse diximus, ab utroq; latere, os unum insigni magnitudine subiacet, cuius os mali, dentiumq; omnium, exceptis incisorijs, alveoli partes sunt. Hæc suturis quatuor discernuntur, Supra quidem, ea quam dudum diximus, ab osse iugali, ad medium superciliorum ascendere, infra uero ea quæ per medium palatū recta procedit: quas relique duæ copulant, ea uidelicet, quæ à medio superciliorum incipiens, ac iuxta nares procedens, inter caninum, & incisorios dentes deferitur, & ea cuius pars, quantum scilicet extremum ambit dentem, cum communi Sybenoidis ossis sutura conuenit, reliquum peculiare est, quo ad eam recta palati sutura coniungitur. His os-

DE OSSIBVS.

sibus quæ maxima esse proposui, duo alia exigua adiacent, quæ scilicet narium foramenta ad palatum tendunt: quæ peculiari antedictæ suturæ parte, atq; ea etiam sutura quæ transversa à Sybenovide osse inter extremos dentes procedit, terminantur. His quidem suturis ab ambientibus ossibus secernuntur, ipsa inter se recta palati sutura diuiduntur.

De Ossibus Nasi. Cap. III.

Nasi quoq; ossa duo sunt, quæ suturis à medio superciliarum descendentibus discernuntur. Has duas esse in maximorū ossium enarratione diximus. Præter eas tertia quædam in naribus ipsis sutura est, quæ à medio superciliarum incipiens, recta, à summis ad imas nares procedit. His ossibus inferiore in parte Cartilaginea tenuiaq; corpuscula (alas uocant) ab utroq; latere adnascuntur. Superest in maxillæ superioris extremo, Os unum, in quo dentium, qui secant, radices & alucoli continentur, id ipsum, plerumq; simplex esse uidetur, propterea quod ossa ex quibus structū ē, exactissime cōmittuntur. Interdū aut sutura in cadaueribus admodum exiccatīs manifeste apparet, illi quidē dire cta, quæ per totū palatū porrigitur,

+ τριττα
legere
διττα.

quo sit ut perspicuum sit, iure de numero ossium maxillæ superioris diffensionem esse. a nonnullis enim non Sex, sed Duo, prima omnium censentur paruulis, uidelicet quæ intus in oculis insunt prætermisissis. Alij inferiora narium foramina magnis ossibus adscribunt. Sunt qui hæc separent:amboq; os unum faciunt. illud etiam quod in maxillæ superioris extremitate (uti diximus) habetur:nonnulli simplex, nonnulli ex duplici osse constitutum esse affirmant. Ante autem hæc omnia Syphenoides inter maxillæ superioris ossa adnumerant. Quod si ea ad quam plurimum numerum ab aliquo redigenda sunt, erunt quidem in tota maxilla superiore quindecim, si uero ad quod minimum: non plura erunt quàm octo, quæ sanè omnia deinceps commemorabo: incipiamq; à priore diuisione, qua quindecim esse censa sunt. Sex itaq; erunt, quæ prius retulimus, quæq; à communi capitis sutura: itemq; ab ea, quæ à temporibus sub osse iugali, & inferioribus oculorum palpebris ad medium superciliorum ascendit, continentur. Duo deinde grandia, in quibus mala, dentesq; ferè omnes (uti recensuimus) insunt. Alia item duo iuxta narium foramēta, adde etiam ipsarum narium duo, mox in maxillæ ipsius extremitate duo,

DE OSSIBVS.

quibus dentes qui secant infixi sunt, atq; etiam præcunctis syphenoides quod ex omnibus nulli alteri coniugatum ac simplex est. Totius autem maxillæ superioris ossa, ad hunc modum in octo diuiduntur. Sex quidem: duo prima numerantur, quod in parte maxillæ extrema habetur unum, itidem quod iuxta narium foramina situm est unum, narium peculiaria duo, Omnium item maxima, in quibus mala dentesq; ferè omnes (sicuti diximus) sedem habent, duo censentur. Superest syphenoides, quod ex omnibus tantummodo simplex & coniugationis est expers.

De Dentibus. Cap. V.

Dentes in ossium numero habendi sunt, & si se-
cus nonnulli sophistæ arbitrentur. Quod si eos à no-
bis ossa appellari non sinunt: æquum sanè erat alio il-
los nomine donare. Non enim Cartilagines: non Ar-
teriæ, nō Venæ, nō Nervi (uti perspicuo patet) num-
cupandi sunt, multoq; etiam minus nec Adipis, nec
Capilli, nec Carnis, nec Gladulæ, neq; ullius simpli-
citer corporis particulæ nomē, illis accommodari po-
test. Quod si neq; in uenarum, Arteriarum, Nervo-

rum, musculorum'ue, aut uiscerum: neq; in ea, quam modo tractamus, ossium Anatome, de dentibus agemus: nusq; omnino de ijs mentio habenda est. Quare perpetuo ualeant sophista. Dentes sexdecim utraque maxilla habet: priores quaterni: quia secant, *τομαῖοι* appellantur. hi omnes singulis radicibus nituntur. his deinceps canini utrinq; haerent. quibus singulae quoq; radices insunt. Ultra hos: Maxillares quini, ab utroq; latere, sed qui maxilla superiori infixi sunt: ternis: qui inferiori, binis radicibus adhaerescunt. nonnullis tamen exceptis, qui supra saepe cum quaternis: infra, cum ternis radicibus deprehenduntur, praesertim duo omnium primi interiores. Tertius perraro eiusmodi esse inuenitur. Nonnullis autem non utrinq; quini maxillares, sed quaterni scilicet ue oriuntur. Eos non modo maxillares: sed molares quoq; appellant. ex translatione (uti arbitror) nomine sumpto, quod ijs cibi, ueluti molis cereales fruges, tenuantur & atteruntur. Caninis nomen inditum est, quod canum dentibus q; simillimi sint *τομαῖοι* autem uocant, siquidem ad cultri similitudinem, ad eos cibos suapte natura incidentes ualent, qui mollitiem in se habent: sicuti ad dura cibaria non secanda, sed admodum confringenda canini constituti sunt. Omnes in suorum ossium concavis in-

DE OSSIBVS.

figuntur. Ossa quibus continentur dentes: Pbatnia: quæ subeunt foramina: Bothria appellant. Ex Ossibus Dentes tantummodo, mollium cerebri neruorum participes sunt, ob idq̃ soli euidentem sentiendi uim habent.

De Ossibus maxillæ inferioris. Cap. VI.

Maxillæ Os inferioris non est (ut quispiam putat) simplex, id. n. coctum in summa menti extremitate laxatur, ob idq̃, ipsum iam coaluisse manifestum inditum est. Pars eius quæ quasi capitulata est, duobus quasi cornibus terminatur, quorum alterum in mucronem desinens, Tendonem à temporis musculo descendentem recipit. Alterum capitis ossi sub eo exortu, quem mamillarem uocant, alligatur, ibiq̃ in paruulū sinum, rotundo quodam quasi tuberculo sese inserit.

De Spina. Cap. VII.

Spina ex uertebreis quatuor et uiginti cōstat quæ si plures pauciores ue sint, sicuti capita deprauatæ figuræ

GALENVS

quæ fastigiato sunt uertice præter naturam sunt. Harum contextus omnis, in cervicem, dorsum, lumbos, & sacrum os diuiditur. Cervix capiti adnectitur, Huic dein dorsum cui par inest quæ & pectori longitudo. Quod subest reliquum, lumbi appellantur, quorum pars ultima sacro, latouet (ut nonnullis placet) osse finitur. Septem in collo uertebrae sunt: duodecim ad costas, ad lumbos quinque. In primis itaque de cervicis uertebis (nihil enim refert an cervicem, collum uel appellemus) dicendum est.

De Vertebis Colli. Cap. VIII.

Ex uertebis colli primæ quidem duæ inter se undique colligantur, reliquarum uero quinque anterior pars nexu cōstricta firmissimo coalescit. Neque id quidem (ut nonnulli putant) per cartilaginem fit, uerum ea membrana quæ geminas spinæ medullæ tuniculas extrinsecus ambit, sese in mediam ipsarum secundum insinuās commune utriusque uinculum præbet. Eadem ratione uertebrae omnes se habent, duabus primis exceptis, uti demonstrabimus. Cum autem capituli duplex sit motus, alter quidem annuendo abnuendo

DE OSSIBVS.

doq; fit, alter in latera, illum, uertebrae secundae pro-
 cessus (qui quia figura est turbinata pyrenoides di-
 citur) potissimum praestat. Hanc uero summa uerte-
 bra quum capitis coram adnectitur, eius scilicet, &
 ipsius capitis transversae partes efficiunt. Pyrenoi-
 des autem sursum spectat, atq; ab anterioribus uer-
 tebrae secundae partibus proficiscens, ualido quodam
 rotundoq; ligamento capiti alligatur, cuiq; summa uer-
 tebra locam cui apte ac tuto innitatur praebet, in ea-
 demq; transversum quoddam ligamentum oritur, quod
 illi intus aduoluitur. Hunc ipsum processum à dentis
 similitudine odontoides uocant. Vnde Hippocrates
 totam secundam uertebam dentem denominauit. In
 inferiore quoq; summae uertebrae parte duo item sunt
 sinus leniter caui, quosq; ab ocularis sinus similitudi-
 ne glenoides appellant, similes superioribus, sed
 sinus superiores cum caput ipsum excipiant, non ab-
 re sunt maiores, infra uero minores sunt, qui uerte-
 bram secundam admittunt. Summa uertebra latissi-
 ma tenuissimaq; est, secunda angustior, ualidiorq; ac
 reliquae deinceps eodem modo se habent. Quo enim
 spinæ medulla in gignendis neruis consumitur atte-
 nuaturq; magis, eo inferiorum uertebularum foramina

minuantur. Quorum unumquodq; medullæ quam
 complectitur crassitudini æquale est. Atq; id in uer-
 tebris omnibus commune est, quemadmodum transi-
 uersorum quoq; processuum, eorumq; qui deorsum sur-
 sumq; uersum spectant quibus inter se connectuntur,
 communis est ratio. Quod ad cætera attinet in plu-
 ribus quidem conueniunt, in paucis differunt, Quod
 dicemus postea. Posteriorem processum quem spinam
 uocant, omnes habent uertebrae, prima excepta, que
 dumtaxat in parte anteriore exiguum quendam exi-
 git processum. Ex cæteris omnibus uertebreis, earum
 tantum quas cervicis esse diximus transuersi proces-
 sus, semper perforati sunt, septima eademq; ultima
 excepta, cui interdum etiam sed raro à lateribus fora-
 mina insunt. Hos ipsos processus solæ cervicis uerte-
 brae leniter quasi bipartitos gerunt, præter duas pri-
 mas, in quibus simplices habentur, in sexta uero du-
 plices manifeste apparent, & cæterorum omnium
 maximi, sicuti & ea ipsa maxima est, quorum in-
 ternus latus admodum est. Pars cuiuslibet uertebrae
 anterior qua inter se coalescunt, earum potissimū quæ
 in ceruice sunt (prima excepta) oblonga est. Nervis
 autem ex spinæ medulla orientibus, ac iuxta uerte-

DE OSSIBVS.

brarum compages prodeuntibus, utraq; uertebra partem primæ quasi operam confert, in cæteris superior aut magna ex parte, aut omnino id præstat.

De Vertebri Dorsi.

Cap. IX.

Quod Thoracis uertebrae sint duodecim antea diximus, præterq; quod aliquando (tametsi raro) aliquibus uel deeſt una uel ſupereſt, Sed ſupcreſſe rarius quam deeſſe inuenitur. Hæ omnes ad decimam uſque proceſſus habent permagnos, tum eos qui ſurſum deorſumq; uerſum ſpectant, tum uero etiam tranſuerſos quibus coſtæ adnecuntur. Corpus autem ipſorum a ſuperiori parte ad inferiorem leniter protenſum, inter eos ſenſim deſinit qui inſequuntur. Hæ item Dorsi uertebrae ad decimam uſq; ſpinæ colli perſimilem ſpinam conſciunt, à ſummo, ſcilicet ad imum tendentem. Rurſus quæ infra decimam eſt ab imo ad ſummum protenditur. Sed in duabus quæ decimam ſubſequuntur, haud ita planè id apparet, ut in reliquis. idem quoque proceſſibus tranſuerſis accidit, nam qui ſupra decimam ſunt deorſum,

qui infra sursum spectant. Qui in decima duntaxat habentur, in neutram partem inclinant. Hæc enim nō modo sursum, sed deorsum quoq; spectantes processus, tanq̃ tubercula quædam, sicuti prima cervicis uertebra sinus utriq; non admodum desidentes habet. In cæteris supra quidem decimam processus qui sursum uergunt extuberantes, qui deorsum leniter sinuati sūt. Infra uero contraria esse solet ratio.

De Lumborum Vertebris. Cap. X.

De Lumborum uertebreis omnia serè prius retulimus. Nam quod quinq; omniumq; maximæ & crassissimæ sint, quodq; angustum in singulis intus foramen tenuisq; medulla insit, Quod sursum illarum processus spectent, Quod ab ea duntaxat uertebra quæ præposita ē neruis exiliat, Quod sursum deorsumq; uersum spectantium processuum, quibus inter se colligantur, eorum quidem qui super imponuntur extrema extuberantis, eorum qui subijciuntur leniter cana sint, ante diximus. In hoc autem capite se quid in his esse proprium rarumq; quod non sit in alijs explicabimus. Singulæ ergo lumborum uertebrae interiore in

DE OSSIBVS.

parte foramina nullo ordine disposita habent, in eas sese inserunt uenulae, ibique permulta manifestaque apparet. In ceteris uertebis uel nullae usque, uel per exiguae omnino spectantur. Haec quoque uertebrae processu quodam abundat ad inferiora uergente, isque iuxta nerui ortum situs est, quem nonnumquam uertebrae omnes habent, in postremis aliquando, uel pusillus admodum, uel nusquam cernitur, idem supra positis uertebis, non secus ac duabus dorsi postremis semper inest.

De Osse Sacro. Cap. XI.

Id os uertebis, quae scilicet cum ea quae supra posita est, alligatur, proportionem respondet, Namque inferiores, uertebrae illius processus ab Osse sacro excipiuntur, sicuti eos ipsa qui supra se siti sunt recipit. Eius quoque spina similis est ei, quam ceterae habent uertebrae. Ipsius autem transuersi processus grandes patentesque sunt, quibus exteriori in parte sinus inest quidam leniter cauus, in eumque ossa ingrediuntur. Id ipsum Os ex tribus particulis, tanquam ex proprijs quibusdam uertebis constructum est. harumque in extremitate os aliud quartum (quod coccyx nominatur) ad-

ditū est. Hæc si coquendo relaxentur deglutinenturq̃
ad uertebularum similitudinem structa esse uidebun-
tur. Nervi autem qui à spinæ medulla, per sacri os-
sis foramina prodeunt, iuxta suarum ueluti uertebra-
rum compages sicuti per spinam totam profiliunt, non
tamē ab utroq̃ latere, sed intrinsecus quidem atq̃ ex-
transsecus, hiq̃ omnes tria constituunt paria.

De Coccyge. Cap. XII.

In imo lati ossis, aliud os subest, quod coccyx ap-
pellatur, idq̃ ex tribus peculiaribus particulis cōstat.
Eæ plus cartilaginis potissimumq̃ in extremo q̃ la-
tum os habent. iuxta earundem compages, nervi pos-
teriori ex parte prodeunt. Gemini priores, ex ea ori-
untur parte, qua coccyx latum os attingit: insequens
par inde ortum habet, ubi prima huius ossis pars cum
secunda committitur. Duo alij inde egrediuntur, qua
secunda eiusdem pars, cum tertia coniungitur. Iux-
ta tertiæ huius extremitatem quod reliquum est
ex spinæ medullæ, simplex nulliq̃ associatum pro-
filat.

DE OSSIBVS.

De Thoracis Ossibus.

Cap. XIII.

Os pectoris, Costæ, itemq; ex Spina Dorsi uertebrae, Thoracis sunt ossa. Costæ ab utroq; latere duodecim, Singulae enim cum singulis uertebis connectuntur. Ossa pectoris per synarthrosin, inuicem copulantur. Sunt autem numero septem sicuti costæ quæ cum eo alligantur. Imo pectoris ossi Cartilago triangula adnascitur. Cum uertebis, costæ singulae ad hunc modum necantur. Ad radicem transuersi processus, costæ principium, extanti quoddam tuberculo super inseritur, ibiq; sinu paruulo & leniter cauo excipitur, amboq; tum sinus, tum costæ principium ad superiora magis uergunt. A radice deinde per totum transuersum processum costa superuehitur, in ipsiusq; extremo, alio etiã nexu ad inferiora uergente constringitur. Quo fit, ut costa duobus modis ipsi uertebrae annectatur. Rursusq; costarum connexio cum osse pectoris latet admodum sensum, apparet tamẽ membranosus ligamentis quibus undequaq; contegitur remotis. Namq; ibi singularum pars Cartilaginosa in tuberculum desinẽs, singulis pectoris ossibus lenẽ quendam & i superficie sinu in se habetibus necantur. Quarũ motus

exiguus adeo est, ut synarthrosis appellari queat. In multis quidem alijs corporis partibus de structu-
ris ossium ambigitur, incertumq; est an ea per diar-
throsin uel Synarthrosin copulentur. Tota pectora-
lis ossis figura, à nonnullis quia gladij similitudinem
repræsentat, xiphoides nominatur. Alij non pecto-
rale os totum, sed eam dumtaxat Cartilaginem quæ
in imo eius est, ad hunc modum uocant. Costis non u-
na est simplexq; figura, namq; ubi uertebri annexæ
sunt, in anteriora pariter atq; inferiora feruntur, mul-
tumq; ita progressæ, ad os rursus pectoris protinus
uersæ recuruantur. Ob idq; quicquid cum pectoris
osse committitur, non os est, sed in Cartilaginem de-
generat. Quinque quæ supersunt costæ Nothæ appella-
lantur. Eæ cum septo transverso atque inter se connatæ
conglutinataq; sunt, et in exquisitam Cartilaginē
fniunt. Postrema ab alijs tantummodo in imo secerni-
tur, ac reuera nothæ est, ijs atque alijs costis non par
omnibus longitudo, sed supernæ infernæq; breuiores
sunt, mediæ prolixiores.

De Scapulis. Cap. XIII.

Scapulæ post Thoracem sitæ sunt, eæ cum osse ce-

DE OSSIBVS.

capitij Spinaq; cumq; etiam Thoracis costis & co osse
quod gutturi præiacet, musculorum opera copulan-
tur. Eademq; inæquales sunt satis, atq; oī ex parte
dissimiles gibbæ quidē exteriore ex parte, intrinsecus
simæ. Ipsæ ēt in ima basi tenues oblongaq; sūma ī par-
te Crassæ paruaq; sunt. Os scapulæ maiore ex parte
cartilagine, sed uberius in imo contegitur, à Spinaq;
tenue inchoatur, paulatinq; plenius efficitur, donec
ad acromij locum peruenierit, ibiq; cum iugulo con-
nectitur, hanc ipsam compactionem nonnulli anatomi-
ces periti acromion uocant. Alij præter hæc ambo
quæ coniunguntur, tertium os esse inquirunt, quod in
ipsis tantummodo hominibus deprehenditur, id cata-
clida & acromion appellant. In ea parte, scapularū
ossi processus quidam subest, quem scapulæ ceruicē
nominant, isq; in extremo in acetabulum desinens, cū
humeri capite alligatur. Est etiam huic Ossi alter in-
teriore in parte exiguus acutusq; processus, qui, cum
anchoræ uel coruini rostri similitudinem referat an-
cyroides à nonnullis, coracoides ab alijs nuncupa-
tur, quandoquidem extremacius pars uti corniculæ
rostrum exterius inclinat.

GALENVS

De Iugulis, Cap. XV.

Iugula ab utroq; latere summæ pectoralis ossis extremitati añectuntur, cap; fistulosa sunt, figurâq; & crassitie inæquabili. Pars eorum inferior qua pectoris ossi alligatur, crassior cæteris rotundiorq; est. huic succedens longe gracilior. Quod reliquum est totum rotundum inæquabileq; est, quoad cum scapularum osse committitur, ibiq; quasi latiusculum est. Mediæ iuguli totius partes exterius gibbæ sunt, præsertim quæ ad scapulas tendunt.

De Humero, Cap. XVI.

Maximum omnium os humeri (femore excepto) est, idq; utrinq; supra infraq; alligatum est. Summa eius pars grandis sculum habet caput, parvæ quidem cervici coagmentatum adnatumq;. In eo iuxta anteriorem partem sinus quidam est, cuiusdam quasi patulæ scissuræ simile, qui totum ipsum caput in duo quasi tubercula bifariam diuidit. Pars autem inferior, in tubercula definit inequalia, quorum ei quod extrinsecus situm est radij capitulum adnectitur, cum eo uero quod

DE OSSIBVS.

est interiore in parte, nullum os prorsus committitur. Eamq; ob causam & si paulo est grandius, longe maius apparet q̃ os exterius. In ima humeri parte sinus persimilis est concavis trochlearum orbitis, cuius hunc circum mouetur. Vbi autē sinus hic desinit in extremis utrinq; lateribus duo præterea sunt sinus quorum anterior posteriore est minor. Si Cubiti coronas hoc est acutos processus excipiūt, horūq; anteriore cū cubitus oīno flectitur, anterior sinus, cū tenditur, posterior posteriorem recipit. Cæteræ humeri partes rotundæ, nec rectæ, nec similes ex toto, gibbæ quidem anteriore atq; exteriore in parte, in posteriore atq; interiore sinuæ sunt.

De Cubito. Cap. XVII.

Pars omnis quæ inter humerum, & carpon quod brachiale uocant, sita est, eiusdemq; etiam partis os grandius, cubitus appellatur. Is alteri subest ossi, quod radium nominat, huiusq; pars extrema superior, leniter caua, exterius humeri tuberculum recipit, eiq; alligatur. cuius quidem connexionis id minus est totam uidelicet manum modo in prouum, modo in supinum adducere. Cubitus duos acutos

C

habet processus, quos coronas uocant, quorum anterior minor est alter quidem grandior, ab ijsq; cubiti ipsius sinus, sigmæ litteræ similis comprehenditur. In hunc sinum, humeri, orbita, quæ trochlææ similis inter duos tubercula sita est, inscribitur. Huius autem nexus tendendi, curuandiq; totam manum officium est. Radius supra infraq; ualidis ligamenti cubito illigatur, media inter se omnino debiscunt. Vterq; adnatam appendicem iuxta brachialis partes habet, sed ex interiore parte concavam, extrinsecus gibbam. In sinum eius modi se se brachiale iusinuat necessestiq;. Cubitus minime digito, pollicis radius respondet. Inest autem Cubito ex abundantia quadam processus quem à columnæ similitudine styloide appellant, isq; brachiali etiam necessest. Ad hunc quidem nexum pertinet, brachiale in obliquum ducere, ad alterum uero in re-
ctum, cuius opera summam manum extendimus inflectimusq;.

De Brachiali. Cap. XVIII.

Prima pars palmæ græci carpon, nos brachiale appellamus, ex ossibus octo, duplici quidem ordine

DE OSSIBVS.

distinctis constructa est. Dura omnia, & parua,
nec medullosa, multiplicisq; figuræ sunt. Nam partim
gibba, partim sima, partim recta, partim orbiculata,
cernuntur. Cuncta nerueis cartilagineisq; nexibus in
ter se per synarthrosin constructa non (ut nonnulli arbi
trantur) connata sunt, exexteriore quidem in superficie
leniter gibba, sinuata intrinsecus. Pars brachialis supe
rior ex tribus ossibus constat, quæ in rotundam
quasi figuram structa, cum cubito, radioq; & sty
loide processu annectuntur: hoc tamen excepto, quod
brachialis Os quod minimū digitum spectat, exiguo
leniq; sinu styloide cubiti processum recipit. Ex his
autem medium, ibi potissimum sedem habet, ubi cubi
tus radiusq; inter se copulantur. Tertium quod bipar
titū est à radio comprehenditur. Pars brachialis infe
rior, quatuor ipsius ossibus metacarpio quod quasi
post brachiale dixeris colligatur. Quintum uero ijs
brachialis partibus insidet, quæ iuxta processum, cu
biti styloide potissimum sitæ sunt.

De Postbrachiali ac digitis. Cap. XIX.

Inter digitos ac brachiale, ossa quæ ad eos tendunt,

et palmā replent, postbrachiale appellant, idq; brachiali per synarthrosin, at priori digitorum phalangise ytalidine (sic enim uarie a nonnullis digitorum ossa nominantur) per diarthrosin alligatur. Pollicis tantummodo prius internodium, ex transuerso ipsi postbrachiali annexum est. Quare singuli ex ternis ossibus constant priori semper internodio in subsequenti sinum subeunte. Iureq; dicendum est pollicem ipsum ex triplici osse constructum esse, primumq; eius internodium cum postbrachiali minime cōnumerandum, cū ab utraq; parte per diarthrosin connectatur, quod primis digitorum, non postbrachialis ossibus accidit. Quo fit ut recte dixerit quispiam, ex quatuor dumtaxat postbrachiale, ipsas autem digitos ex quindecim ossibus constitutos esse. Qui uero os pollicis tertium postbrachiali adscribūt, ipsum quidē ex quinque, digitos uero ex quatuordecim ossibus constare affirmant.

De Ossibus quæ cum osse sacro committuntur.

Cap. XX.

Rectis ab utroq; latere magnisq; lati ossis processi

DE OSSIBVS.

bus duo quædam ossa apposita adstructaq; sunt, quibus integris, nullum nomen inditum est. Nam latæ ipsorum superiores partes, ilium ossa, exteriores post femoris ingressum inferiore s; , coxendicum, quæ inde in anteriora protensæ, tenuesq; & foratæ atq; inter se in extremo connatæ sunt, pectinis ossa appellantur. Vtræq; Coxendici prægrande acetabulum inest, cum femoris capite, nexu validissimo copulatum connatumq;.

De Femore. Cap. XXI.

Os Femoris magnitudine cunctis animantis ossibus præstat, ad supra coxendici, infra tibiæ alligatur. Superiori in parte rotundissimum caput habet, proluxæ quidem cœuici ad interiora, inclinatæ adnatum. Infra leniter patefcens, in duo tubercula desinit, adeo quidem grandia, ut capita possint appellari. eaque tibiæ annectuntur, non modo membranosis

ligamentis, quibus tota dearticulatio circundatur, sed tribus quoque alijs validis rotundisq, quorum unum ab exteriori totius connexionis parte, ab interiori alterum, à medio posterioris interiorisq, tertium porrigitur. Totius autem femoris forma anteriore in parte exterioreq, gibba, in posteriore interioriq, sima est. Sub huius ceruice duo exigui sunt processus (trachanteras uocant) quorum exteriorem, qui longe maior est, gluton hoc est natem appellant.

De Tibia. Cap. XXII.

Tota pars cruris, quæ inter talum genuq, posita est. eiusdemq, etiam partis, os grandius Tibia appellatur. Hæc interiore in parte sita est cique tantummodo femur ipsum annexitur. Os autem quod extrinsecus locatum est, sura nominatur, quæ crassitudine tibiæ ad modum cædit, nec adeo protenditur, ut genu ipsum contingat, uerum supra infraq, tibiæ per synarthrosin alligatur, media inter se penitus debiscunt. Tibia quæ femori copulatur, magna quidem adnata coagmentataq, appendice duplicem in se sinum habente, capita femoris sese insinuantia recipit. Inter eos tibiæ sinus

DE OSSIBVS

eminētia quādam surgit, neruea cartilaginosaq; quæ
inter femoris tubercula ueluti in imam quādam scis-
suram inseritur. Tibiæ quicquid anteriore in parte te-
nue & carnis est expers Crea dicitur, ima ab utroq;
latere tibiæ suraq; partes malleoli nuncupantur, ipsæ
gibbi rursus & omnino carne carentes, extra alia
prominent, hos ipsos permulti talos uocant, sed errant
penitus, nam sub his utrinq; talus continetur, ac unde-
quaq; contegitur, ut ne cū tangere quidem possis. Mal-
leoli extrema tibiæ suraq; processuum partes sunt, gib-
bi quidem exteriore ex parte (uti patet) intrinsecus
cauæ.

De Patella. Cap. XXIII.

Quæ femur tibiæ annectitur, os extrinsecus cartila-
ginosum rotundumq; appositum est, quod gibba & ue-
luti tubercula subiectorum ossium, aptis sinibus com-
prehendit, paulumq; intumescens quod inter femur ti-
biamq; spatium patet complectitur, id ipsam os Patel-
la à nonnullis, Mola ab alijs appellatur.

De Pedis ossibus. Cap. XXIII.

Talus ab imis tibiæ suraq; processibus (uti paulo
ante diximus) comprehenditur. Eius pars quam
triquetrum uocant sursum uergit. Posteriores, lenigata

τρίγωνον ea pars
in talo est quæ pro
nā uocat, quæq; for-
tasse quatrio (ut
Isidori utar uer-
bo) appellari possit,

omnes, modiceq; orbiculatæ sunt, & ad superiora potius spectant. Anteriores rotundo quidem capite oblongæ cervici adnato, cum eo osse connectuntur, quod ad cimbræ similitudinem scaphorides nuncupatur. Ab utroq; latere dextro videlicet ac sinistro in duo extantia supercilia desinens, sub tibia suraq; canis excipitur. Ipsius quoq; pars interna lauiorem ferè habet. Huic subest os pedis maximum, quod calcem uocant, idq; ipsum & rotundas partes ex talo recipit, & geminos, quos habet exc. ssus in sinum eius percõmode inserit. Pars uero qua ingredimur leniter rotunda & latiuscula est. Posterior quoq; rotunda est, cap tibiæ rectitudine admodũ excedit. Ex partibus eius anterioribus quæ è regione magni digiti sita est, ipsius tali capiti subiacet, nec cum altero osse copulatur, at eius extremitas quæ minimo digito respondet, cum eo osse quod à tessera similitudine cyborides uocant, per synarthrosin nequitur. Cyborides autem à parte exteriore iuxta scaphorides positum est, uerũ hoc quæ cũ talo iungitur sinuatũ, cyborides gibbũ est. Tria deinceps ossa paruula, inferiori scaphoridis parti per synarthrosin copulantur, cum quibus etiam exteriore ex parte cyborides pariter porrigitur. Post autẽ quæ


DE OSSIBVS.


tuor hæc ossa, prima pars pedis quam tarson uocant, finitur.

De Ossibus Plantæ. Cap. XXV.

Planta inde inchoatur, quæ ex quinque ossibus constructa est. Post hæc deinceps pedis digiti siti sunt, qui ex ternis internodijs omnes, ad eorum quæ in manu sunt similitudinem constant, pollice tantum excepto, qui inter alios, ex duplici osse constitutus est. horum dearticulationes membranosæ, quæ uero in talo calceq; habentur ualidioribus ligamentis, quorum nonnulla neruea cartilaginosaq; sunt, constringuntur. Sed hæc (ut puto) Tyronibus, primaq; de ossibus rudimenta addiscentibus sint satis. Horum utiq; contextus compactioq; seculos dicitur. Quod si quod officulum alibi, ut pote in corde, in naso, in gutture, itemq; in aliquo ex digitis, ut quæ à sesami similitudine sesamo, de uocant, aliudq; eius generis deprehenditur, non est necessarium hoc opere pertractare.







Reliquæ membra tum figuræ in luxa-
tionum libris collocandæ sunt.

ROMAE IN AEDIBVS
ANTONII BLADL
M.D.XXXV.



ROME IN AEDIVS
ANTONI BLAD.
M.D.XXXV.

